

**REGIONALNA ADVOKATSKA – ODVJETNIČKA KOMORA
SARAJEVO**

**PRAVILNIK
o Fondu solidarnosti advokata, advokatskih pripravnika,
advokatskih stručnih saradnika i zaposlenika
Regionalne advokatske – odvjetničke komore Sarajevo**

Sarajevo, 15.03.2025.

Na temelju člana 15. stav 3. Zakona o advokaturi Federacije Bosne i Hercegovine, člana 6. stav 1. tačka 5. i člana 12 stav 1. tačka 8. Statuta Regionalne advokatske – odvjetničke Komore Sarajevo, na prijedlog Upravnog odbora Regionalne advokatske – odvjetničke Komore Sarajevo, Skupština Regionalne advokatske – odvjetničke komore Sarajevo na Skupštini održanoj dana 15.03. 2025. godine usvaja

PRAVILNIK

o Fondu solidarnosti advokata, advokatskih pripravnika,
advokatskih stručnih saradnika i zaposlenika Regionalne advokatske –
odvjetničke komore Sarajevo

OPĆE ODREDBE

Član 1.

U cilju pomoći advokatima, advokatskim pripravnicima, advokatskim stručnim saradnicima i radnicima zaposlenim u Regionalnoj advokatskoj – odvjetničkoj komori Sarajevo (u daljem tekstu: RAKSA) na temelju uzajamnosti i solidarnosti ovim Pravilnikom uređuje se:

1. organizacija Fonda,
2. visina obaveznog članskog doprinosa,
3. način pribavljanja i upotrebe prikupljenih novčanih sredstava Fonda solidarnosti advokata, advokatskih pripravnika, advokatskih stručnih saradnika i zaposlenika Regionalne advokatske – odvjetničke komore Sarajevo (u daljem tekstu: Fond solidarnosti),
4. uvjeti dodjele sredstava Fonda solidarnosti,
5. druga pitanja koja se odnose na isplatu sredstva Fonda solidarnosti.

Član 2.

Fond solidarnosti iz člana 1. ovog Pravilnika je fond za posebne namjene, čija se sredstva koriste za pružanje pomoći advokatima, advokatskim pripravnicima, advokatskim stručnim saradnicima, zaposlenim u RAKSA_i to u slučaju:

- bolesti,
- smrti advokata,
- porodijskog odsustva.

ČLANSTVO U FONDU

Član 3.

Članstvo u Fondu solidarnosti je obavezno.

Prava na korištenje sredstava iz Fonda solidarnosti imaju članovi koji redovno uplaćuju članarinu. U momentu podnošenja zahtjeva za dodjelu pomoći iz Fonda, dugovanje na ime članarine ne smije biti duže od tri mjeseca.

Član 4.

Svojstvo člana Fonda solidarnosti advokat stiče danom verifikacije upisa u Imenik advokata, Imenik advokatskih stručnih saradnika i Imenik advokatskih pripravnika, koji vodi RAKSA.

Zaposlenici RAKSA stiču svojstvo člana Fonda solidarnosti danom zaključenja ugovora o radu na neodređeno vrijeme.

Član 5.

Članstvo u Fondu solidarnosti prestaje:

- brisanjem iz imenika advokata, stručnih saradnika i advokatskih pripravnika RAKSA,
- prestankom radnog odnosa,
- prestankom (gašenjem) Fonda solidarnosti.

Član 6.

Odluku o prestanka rada Fonda solidarnosti donosi Skupština Regionalne advokatske – odvjetničke komore Sarajevo.

SREDSTVA FONDA SOLIDARNOSTI

Član 7.

Sredstva Fonda solidarnosti čini dobrovoljni članski doprinos u novcu, koje svaki član Fonda solidarnosti uplaćuje u mjesečnom iznosu pod uvjetima, na način i u iznosu utvrđen ovim Pravilnikom.

Novčana sredstva Fonda solidarnosti mogu činiti i posebne uplate članova Fonda solidarnosti.

Uplatom iz stava 2. ovog člana, ne stiču se nikakva posebna prava u odnosu na druge članove Fonda solidarnosti.

Uplaćeni iznos na ime doprinosa iz stava 1. i 2. ovog člana prestaju biti imovina članova Fonda solidarnosti u trenutku uplate i isti se ne mogu potraživati ni nakon prestanka članstva u Fondu solidarnosti.

Član 8.

Sredstva Fonda solidarnosti se vode i uplaćuju na namjenski račun, koji račun je otvoren isključivo za Fond solidarnosti.

Član 9.

Visina članskog doprinosa Fonda solidarnosti iznosi 20% od mjesečne redovne članarine koju plaćaju advokati.

O smanjenju ili povećanju doprinosa iz stava 1. ovog člana odlučuje Skupština RAKSA.

STATUS FONDA SOLIDARNOSTI, UPRAVLJANJE FONDOM I DONOŠENJE ODLUKA

Član 10.

Fond solidarnosti nema svojstvo pravnog lica i djeluje unutar RAKSA kao poseban organizacioni oblik, sa posebnim novčanim sredstvima, samostalnošću i nezavisnošću u radu, sve u skladu sa odredbama ovog Pravilnika.

Član 11.

Fondom solidarnosti upravlja i odluke iz djelokruga njegove nadležnosti donosi Komisija za Fond solidarnosti (u daljem tekstu: Komisija Fonda).
Komisija Fonda ima predsjednika i 4 člana koje imenuje Upravni odbor RAKSA, na period od četiri godine.

Član 12.

Komisija Fonda solidarnosti donosi odluke o svakom pojedinačnom zahtjevu člana Fonda solidarnosti, većinom glasova.

Komisija Fonda solidarnosti je dužna o zahtjevu za dodjelu sredstva Fonda solidarnosti odlučiti najkasnije u roku od 8 dana od dana prijema urednog zahtjeva.

Odluka iz stava 1. ovog člana, Komisija Fonda je dužna dostaviti u roku od 3 dana članu Fonda solidarnosti, odnosno podnosiocu zahtjeva.

Član 13.

Protiv Odluke Komisije Fonda može se izjaviti prigovor Upravnom odboru RAKSA u roku od 3 (tri dana) od dana prijema odluke.

Upravni odbor RAKSA dužan je u roku od 3 dana od dana prijema prigovora odlučiti po istom.

Odluka Upravnog odbora RAKSA je konačna i protiv iste se ne može pokrenuti upravni spor, ali se može izjaviti žalba Skupštini RAKSA, koja ne odlaže izvršenje.

Nakon proteka roka iz stava 1. ovog člana, Upravni odbor RAKSA je dužan da u roku od 3 dana da saglasnost na odluku Komisije Fonda.

Sredstva određena odlukom Komisije Fonda mogu se isplatiti nakon davanja saglasnosti iz stava 4. ovog člana.

KRITERIJI ZA DODJELU POMOĆI IZ FONDA SOLIDARNOSTI

Član 14.

Pravo na dodjelu sredstva iz Fonda solidarnosti imaju advokati, advokatski stručni saradnici, advokatski pripravnici i zaposlenici RAKSA u sljedećim slučajevima:

	Slučaj	Iznos
1	Bolest duže od 2-3 mjeseca	2.000,00 KM
2	Bolest duže od 3-6 mjeseci	3.500,00 KM
3	Bolest duže od 6 mjeseci	5.000,00 KM
4	Smrt advokata	5.000,00 KM
5	Porodiljsko odsustvo	2.000,00 KM

Član 14a.

U slučaju smrti advokata ili bračnog partnera advokata, iza kojih je ostalo maloljetno dijete, maloljetnom djetetu će se isplaćivati mjesečni iznos iz Fonda solidarnosti na ime pomoći, do punoljetstva djeteta.

Ukupan godišnji iznos iz Fonda namijenjen za ovu vrstu pomoći odrediti će Skupština RAKSA na redovnoj skupštini za naredni period i srazmjerno će biti podijeljen na broj maloljetne djece kojoj se isplata vrši.

Član 15.

Pravo na dodjelu sredstva Fonda solidarnosti imaju isključivo članovi i zaposlenici RAKSA koji u vrijeme podnošenja zahtjeva:

- nemaju neizmirenih doprinosa u Fondu i
- imaju rješenje RAKSA o bolovanju.

Uz zahtjev za dodjelu sredstava Fonda solidarnosti podnositelj zahtjeva je dužan da priloži medicinsku dokumentaciju.

Pravo na dodjelu sredstva Fonda solidarnosti za lica iz člana 14. stav 1. tačka 4. (smrt advokata) ima bračni supružnik, utvrđeni vanbračni supružnik umrlog advokata te zakonski nasljednik prvog nasljednog reda, koji su dužni da uz zahtjev dostave dokaz o srodstvu kao i izjavu o licu kojem će se uplatiti cjelokupni iznos sredstva.

Zahtjev za dodjelu sredstva Fonda solidarnosti može se podnijeti najkasnije u roku od 30 dana od dana donošenja rješenja RAKSA o prestanku bolovanja.

Član 16.

Iznimno, u slučajevima iznenadne i/ili teške bolesti, neposredne životne ugroženosti (srčani, moždani udar, embolija, karcinom) članovima koji uredno uplaćuju članarinu u Fond solidarnosti, Komisija Fonda može donijet Odluku o isplati sredstava u visini od 5.000,00_KM, uz obavezu člana Fonda solidarnosti da u roku od 15 dana od dana prestanka razloga spriječenosti dostavi zahtjev i medicinsku dokumentaciju.

Na osnovu iste dijagnoze, sredstva Fonda solidarnosti se mogu dodijeliti samo jedanput.

Ukoliko je nakon šest mjeseci od dijagnosticirane bolesti iz stava 1. ovog člana, došlo do pogoršanja u odnosu na već raniju medicinsku dijagnozu, pomoć se može dodijeliti ponovo u iznosu od 50% od ranije dodijeljenih sredstva.

Član 17.

Ako se utvrdi da je vrijeme bolovanja ili liječenja član Fonda solidarnosti obavljao advokatsku djelatnost, djelatnosti advokatskog stručnog saradnika ili advokatskog pripravnika dužan je vratiti isplaćeni iznos sredstava Fonda solidarnosti.

RASPODJELA I KORIŠĆENJE SREDSTAVA FONDA

Član 18.

Iz sredstava Fonda solidarnosti ne mogu se vršiti nikakve druge isplate izuzev isplata koje se vrše u slučajevima i pod uvjetima propisanim ovim Pravilnikom.

Član 19.

Sva prikupljena sredstva Fonda solidarnosti služe isključivo za isplatu pomoći članovima Fonda solidarnosti u skladu sa odredbama ovog Pravilnika i u druge svrhe se ne mogu koristiti.

Sve troškove vezane za rad Fonda solidarnosti snosi RAKSA, koja je dužna staviti na raspolaganje prostorije za rad Komisije Fonda i pružiti joj administrativnu, računovodstvenu i svaku drugu pomoć.

PRELAZNE I ZAVRŠNE ODREDBE

Član 20.

Objašnjenja, tumačenja i uputstva za primjenu ovog Pravilnika daje Upravni odbor RAKSA.

Član 21.

Administrativnu, računovodstvenu i druge poslove obavljat će Generalni sekretar RAKSA.

Član 22.

Danom usvajanja ovog Pravilnika prestaje da važi Pravilnik o Fondu solidarnosti advokata, advokatskih pripravnika, advokatskih stručnih saradnika i zaposlenika Regionalne advokatske – odvjetničke komore Sarajevo od 19.11.2022.

Ovaj Pravilnik primjenjuje se prvog narednog dana od dana usvajanja Skupštine.

Predsjedavajući Skupštine

Armin Mušija, advokat

**REGIONALNA ADVOKATSKA – ODVJETNIČKA KOMORA
SARAJEVO**

**PRAVILNIK
o Fondu solidarnosti advokata, advokatskih pripravnika,
advokatskih stručnih saradnika i zaposlenika
Regionalne advokatske – odvjetničke komore Sarajevo**

Sarajevo, 15.03.2025.

Na temelju člana 15. stav 3. Zakona o advokaturi Federacije Bosne i Hercegovine, člana 6. stav 1. tačka 5. i člana 12 stav 1. tačka 8. Statuta Regionalne advokatske – odvjetničke Komore Sarajevo, na prijedlog Upravnog odbora Regionalne advokatske – odvjetničke Komore Sarajevo, Skupština Regionalne advokatske – odvjetničke komore Sarajevo na Skupštini održanoj dana 15.03. 2025. godine usvaja

PRAVILNIK

o Fondu solidarnosti advokata, advokatskih pripravnika,
advokatskih stručnih saradnika i zaposlenika Regionalne advokatske –
odvjetničke komore Sarajevo

OPĆE ODREDBE

Član 1.

U cilju pomoći advokatima, advokatskim pripravnicima, advokatskim stručnim saradnicima i radnicima zaposlenim u Regionalnoj advokatskoj – odvjetničkoj komori Sarajevo (u daljem tekstu: RAKSA) na temelju uzajamnosti i solidarnosti ovim Pravilnikom uređuje se:

1. organizacija Fonda,
2. visina obaveznog članskog doprinosa,
3. način pribavljanja i upotrebe prikupljenih novčanih sredstava Fonda solidarnosti advokata, advokatskih pripravnika, advokatskih stručnih saradnika i zaposlenika Regionalne advokatske – odvjetničke komore Sarajevo (u daljem tekstu: Fond solidarnosti),
4. uvjeti dodjele sredstava Fonda solidarnosti,
5. druga pitanja koja se odnose na isplatu sredstva Fonda solidarnosti.

Član 2.

Fond solidarnosti iz člana 1. ovog Pravilnika je fond za posebne namjene, čija se sredstva koriste za pružanje pomoći advokatima, advokatskim pripravnicima, advokatskim stručnim saradnicima, zaposlenim u RAKSA, i to u slučaju:

- bolesti,
- smrti advokata,
- porodijskog odsustva.

ČLANSTVO U FONDU

Član 3.

Članstvo u Fondu solidarnosti je obavezno.

Prava na korištenje sredstava iz Fonda solidarnosti imaju članovi koji redovno uplaćuju članarinu. U momentu podnošenja zahtjeva za dodjelu pomoći iz Fonda, dugovanje na ime članarine ne smije biti duže od tri mjeseca.

Član 4.

Svojstvo člana Fonda solidarnosti advokat stiče danom verifikacije upisa u Imenik advokata, Imenik advokatskih stručnih saradnika i Imenik advokatskih pripravnika, koji vodi RAKSA.

Zaposlenici RAKSA stiču svojstvo člana Fonda solidarnosti danom zaključenja ugovora o radu na neodređeno vrijeme.

Član 5.

Članstvo u Fondu solidarnosti prestaje:

- brisanjem iz imenika advokata, stručnih saradnika i advokatskih pripravnika RAKSA,
- prestankom radnog odnosa,
- prestankom (gašenjem) Fonda solidarnosti.

Član 6.

Odluku o prestanka rada Fonda solidarnosti donosi Skupština Regionalne advokatske – odvjetničke komore Sarajevo.

SREDSTVA FONDA SOLIDARNOSTI

Član 7.

Sredstva Fonda solidarnosti čini dobrovoljni članski doprinos u novcu, koje svaki član Fonda solidarnosti uplaćuje u mjesečnom iznosu pod uvjetima, na način i u iznosu utvrđen ovim Pravilnikom.

Novčana sredstva Fonda solidarnosti mogu činiti i posebne uplate članova Fonda solidarnosti.

Uplatom iz stava 2. ovog člana, ne stiču se nikakva posebna prava u odnosu na druge članove Fonda solidarnosti.

Uplaćeni iznos na ime doprinosa iz stava 1. i 2. ovog člana prestaju biti imovina članova Fonda solidarnosti u trenutku uplate i isti se ne mogu potraživati ni nakon prestanka članstva u Fondu solidarnosti.

Član 8.

Sredstva Fonda solidarnosti se vode i uplaćuju na namjenski račun, koji račun je otvoren isključivo za Fond solidarnosti.

Član 9.

Visina članskog doprinosa Fonda solidarnosti iznosi 20% od mjesečne redovne članarine koju plaćaju advokati.

O smanjenju ili povećanju doprinosa iz stava 1. ovog člana odlučuje Skupština RAKSA.

STATUS FONDA SOLIDARNOSTI, UPRAVLJANJE FONDOM I DONOŠENJE ODLUKA

Član 10.

Fond solidarnosti nema svojstvo pravnog lica i djeluje unutar RAKSA kao poseban organizacioni oblik, sa posebnim novčanim sredstvima, samostalnošću i nezavisnošću u radu, sve u skladu sa odredbama ovog Pravilnika.

Član 11.

Fondom solidarnosti upravlja i odluke iz djelokruga njegove nadležnosti donosi Komisija za Fond solidarnosti (u daljem tekstu: Komisija Fonda).
Komisija Fonda ima predsjednika i 4 člana koje imenuje Upravni odbor RAKSA, na period od četiri godine.

Član 12.

Komisija Fonda solidarnosti donosi odluke o svakom pojedinačnom zahtjevu člana Fonda solidarnosti, većinom glasova.

Komisija Fonda solidarnosti je dužna o zahtjevu za dodjelu sredstva Fonda solidarnosti odlučiti najkasnije u roku od 8 dana od dana prijema urednog zahtjeva.

Odluka iz stava 1. ovog člana, Komisija Fonda je dužna dostaviti u roku od 3 dana članu Fonda solidarnosti, odnosno podnosiocu zahtjeva.

Član 13.

Protiv Odluke Komisije Fonda može se izjaviti prigovor Upravnom odboru RAKSA u roku od 3 (tri dana) od dana prijema odluke.

Upravni odbor RAKSA dužan je u roku od 3 dana od dana prijema prigovora odlučiti po istom.

Odluka Upravnog odbora RAKSA je konačna i protiv iste se ne može pokrenuti upravni spor, ali se može izjaviti žalba Skupštini RAKSA, koja ne odlaže izvršenje.

Nakon proteka roka iz stava 1. ovog člana, Upravni odbor RAKSA je dužan da u roku od 3 dana da saglasnost na odluku Komisije Fonda.

Sredstva određena odlukom Komisije Fonda mogu se isplatiti nakon davanja saglasnosti iz stava 4. ovog člana.

KRITERIJI ZA DODJELU POMOĆI IZ FONDA SOLIDARNOSTI

Član 14.

Pravo na dodjelu sredstva iz Fonda solidarnosti imaju advokati, advokatski stručni saradnici, advokatski pripravnici i zaposlenici RAKSA u sljedećim slučajevima:

	Slučaj	Iznos
1	Bolest duže od 2-3 mjeseca	2.000,00 KM
2	Bolest duže od 3-6 mjeseci	3.500,00 KM
3	Bolest duže od 6 mjeseci	5.000,00 KM
4	Smrt advokata	5.000,00 KM
5	Porodiljsko odsustvo	2.000,00 KM

Član 14a.

U slučaju smrti advokata ili bračnog partnera advokata, iza kojih je ostalo maloljetno dijete, maloljetnom djetetu će se isplaćivati mjesečni iznos iz Fonda solidarnosti na ime pomoći, do punoljetstva djeteta.

Ukupan godišnji iznos iz Fonda namijenjen za ovu vrstu pomoći odrediti će Skupština RAKSA na redovnoj skupštini za naredni period i srazmjerno će biti podijeljen na broj maloljetne djece kojoj se isplata vrši.

Član 15.

Pravo na dodjelu sredstva Fonda solidarnosti imaju isključivo članovi i zaposlenici RAKSA koji u vrijeme podnošenja zahtjeva:

- nemaju neizmirenih doprinosa u Fondu i
- imaju rješenje RAKSA o bolovanju.

Uz zahtjev za dodjelu sredstava Fonda solidarnosti podnositelj zahtjeva je dužan da priloži medicinsku dokumentaciju.

Pravo na dodjelu sredstva Fonda solidarnosti za lica iz člana 14. stav 1. tačka 4. (smrt advokata) ima bračni supružnik, utvrđeni vanbračni supružnik umrlog advokata te zakonski nasljednik prvog nasljednog reda, koji su dužni da uz zahtjev dostave dokaz o srodstvu kao i izjavu o licu kojem će se uplatiti cjelokupni iznos sredstva.

Zahtjev za dodjelu sredstva Fonda solidarnosti može se podnijeti najkasnije u roku od 30 dana od dana donošenja rješenja RAKSA o prestanku bolovanja.

Član 16.

Iznimno, u slučajevima iznenadne i/ili teške bolesti, neposredne životne ugroženosti (srčani, moždani udar, embolija, karcinom) članovima koji uredno uplaćuju članarinu u Fond solidarnosti, Komisija Fonda može donijeti Odluku o isplati sredstava u visini od 5.000,00_KM, uz obavezu člana Fonda solidarnosti da u roku od 15 dana od dana prestanka razloga spriječenosti dostavi zahtjev i medicinsku dokumentaciju.

Na osnovu iste dijagnoze, sredstva Fonda solidarnosti se mogu dodijeliti samo jedanput.

Ukoliko je nakon šest mjeseci od dijagnosticirane bolesti iz stava 1. ovog člana, došlo do pogoršanja u odnosu na već raniju medicinsku dijagnozu, pomoć se može dodijeliti ponovo u iznosu od 50% od ranije dodijeljenih sredstva.

Član 17.

Ako se utvrdi da je vrijeme bolovanja ili liječenja član Fonda solidarnosti obavljao advokatsku djelatnost, djelatnosti advokatskog stručnog saradnika ili advokatskog pripravnika dužan je vratiti isplaćeni iznos sredstava Fonda solidarnosti.

RASPODJELA I KORIŠĆENJE SREDSTAVA FONDA

Član 18.

Iz sredstava Fonda solidarnosti ne mogu se vršiti nikakve druge isplate izuzev isplata koje se vrše u slučajevima i pod uvjetima propisanim ovim Pravilnikom.

Član 19.

Sva prikupljena sredstva Fonda solidarnosti služe isključivo za isplatu pomoći članovima Fonda solidarnosti u skladu sa odredbama ovog Pravilnika i u druge svrhe se ne mogu koristiti.

Sve troškove vezane za rad Fonda solidarnosti snosi RAKSA, koja je dužna staviti na raspolaganje prostorije za rad Komisije Fonda i pružiti joj administrativnu, računovodstvenu i svaku drugu pomoć.

PRELAZNE I ZAVRŠNE ODREDBE

Član 20.

Objašnjenja, tumačenja i uputstva za primjenu ovog Pravilnika daje Upravni odbor RAKSA.

Član 21.

Administrativnu, računovodstvenu i druge poslove obavljat će Generalni sekretar RAKSA.

Član 22.

Danom usvajanja ovog Pravilnika prestaje da važi Pravilnik o Fondu solidarnosti advokata, advokatskih pripravnika, advokatskih stručnih saradnika i zaposlenika Regionalne advokatske – odvjetničke komore Sarajevo od 19.11.2022.

Ovaj Pravilnik primjenjuje se prvog narednog dana od dana usvajanja Skupštine.

Predsjedavajući Skupštine
Armin Mušija, advokat



